



MOD 5 23 00376271

04.04.2023

**ხ ე ლ შ ე კ რ უ ლ ე ბ ა № 23-117**  
**სახელმწიფო შესყიდვის შესახებ**  
**SMP220003379**

შემსყიდველი:

სსიპ - სახელმწიფო სამხედრო სამეცნიერო-ტექნიკური ცენტრი "დელტა"  
მისამართი: ქ. თბილისი, მნათობის ქ. N73  
საიდენტიფიკაციო ნომერი: 202297335  
საბანკო რეკვიზიტები:  
ბანკის კოდი- TRESGE22,  
ანგარიშსწორების ანგარიში N 707297065

წარმოდგენილი გენერალური დირექტორის იოსებ ლოლაძის სახით

მიმწოდებელი:

შპს „ინსტა“  
მისამართი: საქართველო, თბილისი. ზაქარაძის ქ. N8  
საიდენტიფიკაციო კოდი: 202057264  
ტელ: +995 32 220 20 20 Sale@insta.ge  
საბანკო რეკვიზიტები: სს „პროკრედიტ ბანკი“, ანგარიშსწორების ანგარიში:  
**GE38PC 01 33 600 1000 64 826**

წარმოდგენილი დირექტორის გიორგი ბახსოლიანის სახით

„სახელმწიფო შესყიდვების შესახებ“ საქართველოს კანონის მე-10<sup>1</sup> მუხლის მე-3 პუნქტის „დ“ ქვეპუნქტის, სახელმწიფო შესყიდვების სააგენტოს თავმჯდომარის 2015 წლის 17 აგვისტოს №13 ბრძანებით დამტკიცებული „გამარტივებული შესყიდვის კრიტერიუმების განსაზღვრისა და გამარტივებული შესყიდვის ჩატარების წესის“ მე-3 მუხლის პირველი პუნქტის „დ“ ქვეპუნქტის, საქართველოს მთავრობის 2022 წლის 26 დეკემბრის №2450 განკარგულების და 2022 წლის მოხსენებითი ბარათის N MOD 4 22 01357082 (ბაზრის კვლევის დასკვნა N 142) შესაბამისად, გამარტივებული შესყიდვის საშუალებით, ვდებთ წინამდებარე ხელშეკრულებას შემდეგზე:

**მუხლი 1. გამოყენებული ტერმინების განმარტება**

- 1.1. „სახელმწიფო შესყიდვის შესახებ ხელშეკრულება“ (შემდგომში – ხელშეკრულება) – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომელზეც ხელშეკრულებაში არის მინიშნებული.
- 1.2. „ხელშეკრულების ჯამური ღირებულება“ - საერთო თანხა, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულების სრულად და ჯეროვნად შესრულებისთვის;
- 1.3. „შემსყიდველი“ – ორგანიზაცია, რომელიც ახორციელებს შესყიდვას.
- 1.4. „მიმწოდებელი“ – პირი, რომელიც ახორციელებს საქონლის მიწოდებას ამ

ხელშეკრულების ფარგლებში.

1.5. „დღე, კვირა, თვე“ – კალენდარული დღე, კვირა, თვე.

1.6. „სამუშაო დღე“ - კალენდარული დღე შაბათის, კვირისა და საქართველოს კანონმდებლობით გათვალისწინებული უქმე დღეების გარდა.

1.7. „საქონელი“ - წინამდებარე ხელშეკრულებით განსაზღვრული საქონელი.

1.8. „ინსპექტირება“ - ხელშეკრულების პირობების შესრულების კონტროლი და ზედამხედველობა.

## მუხლი 2. ხელშეკრულების საგანი

2.1. ხელშეკრულების საგანს წარმოადგენს სსიპ – სახელმწიფო სამხედრო სამეცნიერო-ტექნიკურ ცენტრ "დელტას" მიერ, ხელშეკრულების 2.2 პუნქტით განსაზღვრული საქონელის (შემდგომში „საქონელი“) შესყიდვა, შესაბამისი ტექნიკური მახასიათებლით, ერთეულითა და ჯამური ღირებულებით.

2.2

N	დასახელება	ზომის-ერთ	რაოდ	ერთ-ფასი	ჯამი	CPV
1	tiger Neo. 425ვტ. N-Type მზის პანელი, SMBB. შავი ჩარჩო, 1722x1134x30mm, მონოკრისტალი (მწარმოებელი jinko)	ცალი	40	494.60	19,784.00	09331000

## მუხლი 3. ხელშეკრულების ჯამური ღირებულება

ხელშეკრულების ჯამური ღირებულება შეადგენს **19,784.00(ცხრამეტი ათას შვიდასოთხმოცდაათი და ნული) ლარს** და მოიცავს მიმწოდებლის ყველა ხარჯს, დაკავშირებულს საქონლის მიწოდებასთან და შემსყიდველისათვის საკუთრებაში გადაცემასთან, მათ შორის, კანონმდებლობით გათვალისწინებულ ყველა გადასახადსა და მოსაკრებელს.

## მუხლი 4. მხარეთა ვალდებულებები და პასუხისმგებლობები

4.1. მიმწოდებელი იღებს ვალდებულებას მიაწოდოს შემსყიდველს საქონელი, წინამდებარე ხელშეკრულებით განსაზღვრული პირობების შესაბამისად, მიწოდებული საქონელი უნდა იყოს ახალი, ექსპლუატაციაში არმყოფი.

4.2 მიმწოდებლის მიერ მიწოდებული საქონელი უნდა შეესაბამებოდეს მხარეთა მიერ შეთანხმებულ ხარისხს, ხოლო ასეთი შეთანხმების არარსებობის შემთხვევაში შესყიდვის განხორციელების მიზნის შესაბამის ხარისხს.

4.3 მიმწოდებელი ვალდებულია განიხილოს შემსყიდველის პრეტენზიები და მიაწოდოს მოტივირებული პასუხი ყველა კითხვაზე.

4.4 მიმწოდებელი ვალდებულია დაუყოვნებლივ გამოასწოროს შემსყიდველის მიერ აღმოჩენილი ხარვეზები.

4.5 მიმწოდებელს ხელშეკრულებით გათვალისწინებულ ვადაში აუნაზღაუროს ხელშეკრულების ჯამური ღირებულება მიმწოდებლის მიერ ნაკისრი ვალდებულებების სრულად და ჯეროვნად შესრულების შემთხვევაში.

4.6. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი

მიზნების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

## **მუხლი 5. შესყიდვის ობიექტის მიწოდების ვადა და ადგილი**

5.1. მიმწოდებელმა შემსყიდველის სასარგებლოდ ამ მუხლით განსაზღვრულ ვადაში და ადგილზე უნდა განახორციელოს წინამდებარე ხელშეკრულებით გათვალისწინებული საქონლის მიწოდება:

5.1.1. საქონლის მიწოდების ადგილი: შემსყიდველის ადგილსამყოფელი, ქ. თბილისი, ბერი გაბრიელ სალოსის გამზირი N191.

5.1.2. საქონლის მიწოდების ვადა: **ხელშეკრულების გაფორმებიდან 5 (ხუთი) სამუშაო დღე.**

5.2. ამ ხელშეკრულების 5.1.2 პუნქტში მითითებული ვადის დაცვით შესაძლებელია, როგორც ერთიანი, ასევე, ეტაპობრივი მიწოდება.

5.3. მიმწოდებლის მისამართიდან შემსყიდველის მისამართზე საქონლის ტრანსპორტირებას უზრუნველყოფს მიმწოდებელი.

## **მუხლი 6. ანგარიშსწორება**

6.1 წინამდებარე ხელშეკრულებით გათვალისწინებული საქონლის ღირებულების ანაზღაურება განხორციელდება საბოლოო მიღება-ჩაბარების აქტის გაფორმებიდან 10 (ათი) სამუშაო დღის ვადაში, ამ ხელშეკრულებით განსაზღვრული დოკუმენტაციის საფუძველზე.

6.2 ანგარიშსწორების ვალუტა: ლარი.

6.3 ანგარიშსწორების ფორმა: უნაღდო.

6.4 დაფინანსების წყარო: **2023 წლის სახელმწიფო ბიუჯეტი**

## **მუხლი 7. ხელშეკრულების ინსპექტირების პირობები**

7.1. შემსყიდველი უფლებამოსილია საქონლის მიწოდების პარალელურად განახორციელოს შემოწმება, რომლის მიზანია მიწოდებული საქონლის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

7.2 ხელშეკრულების ინსპექტირებას შემსყიდველის მხრიდან განახორციელებს:

7.2.1 სსიპ – სახელმწიფო სამხედრო სამეცნიერო-ტექნიკურ ცენტრ "დელტას" ლოჯისტიკის დეპარტამენტის მიერ გამოყოფილი პირ(ებ): შესყიდვის ობიექტის მიღებასთან დაკავშირებული კანონმდებლობით გათვალისწინებული დოკუმენტაციის (ანგარიშ-ფაქტურა, სასაქონლო ზედნადები და სხვა არსებობის შემთხვევაში) შესაბამისობის, შესრულების ვადების, მიწოდების ადგილის, მიღება-ჩაბარების, რაოდენობის (მოცულობის) კონტროლის საკითხზე; საგარანტიო მომსახურების მიღების (არსებობის შემთხვევაში) ან/და წუნდებული საქონლის შეცვლასთან/დაბრუნებასთან დაკავშირებულ საკითხებზე; ხელშეკრულების შესრულების, ნაწილობრივ/არაჯეროვნად შესრულების ან შეუსრულებლობის შემთხვევაში შესაბამისი ინფორმაციის/დოკუმენტაციის სახელმწიფო შესყიდვების დეპარტამენტისთვის წარდგენაზე.

7.2.2. სსიპ – სახელმწიფო სამხედრო სამეცნიერო-ტექნიკურ ცენტრ "დელტას" ლაბორატორიული მომსახურების, სამშენებლო და საწარმო პროცესების

ზედამხედველობის დეპარტამენტი - საქონლის შესაბამისობაზე, ხელშეკრულების 7.3.1 პუნქტით გათვალისწინებული წესით.

7.3 კონტროლი განხორციელდება შემდეგი ფორმებით:

7.3.1 მიწოდებული საქონლის ხელშეკრულების პირობებთან შესაბამისობისა და რაოდენობის (მოცულობის) შემოწმება ვიზუალური (მათ შორის სპეციალისტის მიერ დათვალიერება), აზომვითი, ტექნიკური ან/და დოკუმენტური მეთოდით.

7.3.2 საქონლის ხარისხისა და რაოდენობის (მოცულობის) დაცვის მონიტორინგი.

7.4 კონტროლის განხორციელების ადგილია საქონლის მიწოდების ადგილი და სხვა ნებისმიერი ადგილი შემსყიდველის არჩევანის მიხედვით.

7.5 შემსყიდველის მიერ ინსპექტირება განხორციელდება ხელშეკრულების შესრულების ნებისმიერ ეტაპზე.

## **მუხლი 8. შესყიდვის ობიექტის მიღება-ჩაბარების წესი**

8.1. მიმწოდებლის მიერ საქონლის გადაცემა და შემსყიდველის მიერ მისი მიღება დასტურდება ორივე მხარის უფლებამოსილი წარმომადგენლების (ხელშეკრულების 7.2. პუნქტში მითითებული პირ(ებ)ის) ან/და ცენტრის მიერ გამოყოფილი სხვა უფლებამოსილი პირ(ებ)ის მიერ ხელმოწერილი მიღება-ჩაბარების აქტით.

8.2. მიღება-ჩაბარების აქტის გაფორმების შემთხვევაში, საქონლის მიწოდების თარიღად ჩაითვლება შემსყიდველისთვის საქონლის დროებით შენახვაზე გაფორმებული მიღება-ჩაბარების აქტის თარიღი (დროებითი მიღება-ჩაბარების აქტის არსებობის შემთხვევაში).

8.3. საქონლის დროებით შენახვაზე გაფორმებული მიღება-ჩაბარების აქტი არ წარმოადგენს საქონლის საბოლოოდ მიღების დამადასტურებელ დოკუმენტს და არ წარმოშობს ანგარიშსწორების ვალდებულებას.

8.4. შემსყიდველი (ხელშეკრულების 7.2. ქვეპუნქტში მითითებული პირები) უფლებამოსილია დროებით შენახვაზე მიღებული საქონლის ნიმუშ(ებ)ი, ხოლო პარტიებად მიწოდებულ საქონელზე, ყოველი პარტიიდან მიწოდებული საქონლის ნიმუშ(ებ)ი, ხელშეკრულების მოთხოვნებთან შესაბამისობის დადგენის მიზნით, საქონლის დროებით შენახვაზე მიღება-ჩაბარების აქტის გაფორმების შემდეგ გადააგზავნოს შესაბამის საექსპერტო დაწესებულებაში, რის შესახებაც უნდა აცნობოს სახელმწიფო შესყიდვების დეპარტამენტს.

8.5. მიმწოდებელი უფლებამოსილია დროებით შენახვაზე შემსყიდველისათვის გადაცემული საქონლის ნიმუშ(ებ)ი, ხოლო პარტიებად მიწოდებულ საქონელზე, ყოველი პარტიიდან მიწოდებული საქონლის ნიმუშ(ებ)ი, ხელშეკრულების მოთხოვნებთან შესაბამისობის დაჩქარებული წესით დადგენის მიზნით, საქონლის დროებით შენახვაზე მიღება-ჩაბარების აქტის გაფორმებიდან 5 (ხუთი) სამუშაო დღის ვადაში წარადგინოს შესაბამის საექსპერტო დაწესებულებაში. მიწოდებული პარტიებიდან ნიმუშის ამოღება და დალუქვა უნდა მოხდეს აკრედიტირებული ლაბორატორიიდან/საექსპერტო დაწესებულებიდან მოწვეული ექსპერტის მიერ, რის შემდეგაც მიმწოდებელი ვალდებულია არაუგვიანეს 30 კალენდარულ დღეში წარმოადგინოს ექსპერტის დასკვნა. ამ შემთხვევაში საქონლის ნიმუშ(ებ)ის ტრანსპორტირების და საექსპერტო კვლევის ხარჯებს იხდის მიმწოდებელი.

8.6. მიღება-ჩაბარების აქტის ხელმოწერამდე, ყველა ქონებრივი უფლება საქონელზე ეკუთვნის მიმწოდებელს და რისკები მისი შემთხვევით (მთლიანად ან ნაწილობრივ) დაღუპვაზე, გაფუჭებაზე ან სხვა ზიანზე ეკისრება მიმწოდებელს, ხოლო მიღება-ჩაბარების აქტის ხელმოწერის მომენტიდან, აღნიშნული უფლებები და რისკები გადადის შემსყიდველზე.

8.7. საქონლის (მისი ნაწილის) მიღების და/ან საბოლოო შემოწმების შედეგად

გამოვლენილი ნაკლის აღმოფხვრას საკუთარი ხარჯებით უზრუნველყოფს მიმწოდებელი.  
8.8. იმ შემთხვევაში თუ მიწოდების ვადის დარღვევა გამოწვეულია მიმწოდებლის ბრალეულობით, აღნიშნული ფაქტი უნდა დაფიქსირდეს საქონლის მიღებასთან დაკავშირებულ მიღება-ჩაბარების აქტში.

## **მუხლი 9. ხარისხი და გარანტია**

9.1 მიწოდებული შესყიდვის ობიექტი უნდა შეესაბამებოდეს მხარეთა მიერ შეთანხმებულ ხარისხს, ხოლო ასეთი შეთანხმების არარსებობის შემთხვევაში შესყიდვის განხორციელების მიზნის შესაბამის ხარისხს.

9.2 საგარანტიო ვადის განმავლობაში, შემსყიდველის წარმომადგენლ(ებ)ის ან მოწვეული ექსპერტ(ებ)ის მიერ ნაკლის გამოვლენის შემთხვევაში, მიმწოდებელი ვალდებულია, შემსყიდველის მიერ განსაზღვრულ 10 სამუშაო დღის ვადაში მოახდინოს წუნდებული ნივთის საკუთარი ხარჯებით (ტრანსპორტირების ჩათვლით) შეკეთება, თუ მწყობრიდან გამოსული საქონელი არ ექვემდებარება შეკეთებას, მიმწოდებელი ვალდებულია შეცვალოს იგი ახლით. თუ მიმწოდებელი დადგენილ ვადაში არ შეაკეთებს/შეცვლის წუნდებულ ნივთს, იგი ვალდებულია დაუბრუნოს შემსყიდველს გადახდილი თანხა, მოთხოვნიდან 5 სამუშაო დღის განმავლობაში.

9.3. საქონლის ნაკლში იგულისხმება უფლებრივი ან/და ნივთობრივი ნაკლი, ქარხნული წუნი, ნორმალური ექსპლუატაციის ან/და შენახვის პირობებში ხელშეკრულებით განსაზღვრული მახასიათებლების ან სხვა საექსპლუატაციო თვისებების დაკარგვა და ა.შ.

**9.4. ხელშეკრულებით გათვალისწინებულ საქონელზე ვრცელდება საგარანტიო ვადა 15(თხუთმეტი)წელი. საგარანტიო ვადის ათვლა მოხდება საქონლის მიღება-ჩაბარების აქტის გაფორმების დღიდან.**

## **მუხლი 10. ხელშეკრულების პირობების შეუსრულებლობა**

10.1 მხარეები იღებენ ვალდებულებას ხელშეკრულების პირობების ჯეროვან შესრულებაზე, ხელშეკრულების არაჯეროვანი ან ხელშეკრულების პირობების შეუსრულებლობის შემთხვევაში, დამრღვევი მხარე ვალდებულია აანაზღაუროს მიყენებული ზიანი.

10.2 ხელშეკრულებით ნაკისრი ვალდებულების შეუსრულებლობის ან არაჯეროვანი შესრულების (გარდა შესრულების ვადის დარღვევისა) შემთხვევაში მიმწოდებელს დაეკისრება პირგასამტეხლოს გადახდა ყოველ ჯერზე შეუსრულებელი ან არაჯეროვნად შესრულებული ვალდებულების 0,1%-ის ოდენობით.

10.3 ხელშეკრულებით გათვალისწინებული ვალდებულების შესრულების ვადის, მათ შორის ხარვეზის აღმოფხვრის ვადის ან/და ნაკლის გამოსწორებისათვის განსაზღვრული ვადის გადაცილებისათვის მიმწოდებელს დაეკისრება პირგასამტეხლოს გადახდა ყოველ ვადაგადაცილებულ დღეზე მომსახურების ღირებულების 0,1%-ის ოდენობით.

10.4 პირგასამტეხლოს დარიცხვის მიუხედავად, შემსყიდველი უფლებამოსილია: ამ ხელშეკრულებით გათვალისწინებული პირობების დაცვით, შეწყვიტოს ან შეინარჩუნოს ეს ხელშეკრულება.

10.5 შემსყიდველის მიერ ხელშეკრულების ღირებულების ხელშეკრულებით განსაზღვრულ ვადაში და პირობებით მიმწოდებლისათვის გადაუხდელობის შემთხვევაში, მიმწოდებელს უფლება აქვს დააკისროს შემსყიდველს პირგასამტეხლოს გადახდა, გადაუხდელი თანხის 0,1 %-ის ოდენობით ყოველ ვადაგადაცილებულ სამუშაო დღეზე.

10.6 პირგასამტეხლოს დაკისრება ან/და გადახდა არ ათავისუფლებს მხარეს ამ ხელშეკრულებიდან გამომდინარე ვალდებულებების შესრულებისგან.

10.7 პირგასამტეხლოს დარიცხვა წყდება მხარის მიერ ვალდებულების შესრულების შემდეგ ან ხელშეკრულების მოქმედების ვადის გასვლის შემდეგ ან ხელშეკრულების შეწყვეტის შემდეგ, იმის მიხედვით თუ ამ გარემოებიდან რომელი უფრო ადრე დადგება.

10.8 ხელშეკრულების შეწყვეტის ან მოქმედების ვადის გასვლის შემთხვევაში, მიმწოდებლის მიერ ხელშეკრულების პირობების ნაწილობრივ (არაჯეროვნად) შესრულებისათვის, მიმწოდებელს დაეკისრება პირგასამტეხლო მიუწოდებელი ხელშეკრულების ჯამური ღირებულების 10%-ის ოდენობით, ხოლო ხელშეკრულების პირობების შეუსრულებლობისათვის, მიმწოდებელს დაეკისრება პირგასამტეხლო ხელშეკრულების საერთო ღირებულების 20%-ის ოდენობით.

10.9 მიმწოდებელი ვალდებულია დაკისრებული პირგასამტეხლოს გადახდა უზრუნველყოს აღნიშნულის შესახებ შეტყობინების მიღებიდან შეტყობინებაში მითითებულ ვადაში.

## **მუხლი 11. დავების გადაწყვეტის წესი**

11.1 მხარეებს შორის ხელშეკრულებასთან დაკავშირებით წარმოქმნილი ყველა დავა და უთანხმოება, გადაწყდება მხარეთა შორის ურთიერთმოლაპარაკების გზით.

11.2 თუ მოლაპარაკების შედეგად მხარეები გონივრულ ვადაში ვერ შეძლებენ სადავო საკითხების შეთანხმებას, ნებისმიერ მხარეს დავის გადაწყვეტის მიზნით, დადგენილი წესით, შეუძლია მიმართოს საქართველოს სასამართლოს.

## **მუხლი 12. ფორს-მაჟორული სიტუაციები**

12.1 მხარეები თავისუფლდებიან პასუხისმგებლობისაგან ვალდებულებების სრული ან ნაწილობრივი შეუსრულებლობისათვის ფორს-მაჟორის შემთხვევაში, როდესაც ნაკისრი ვალდებულებების შესრულება შეუძლებელია.

12.2. ფორს-მაჟორში იგულისხმება გარემოება, რომელიც არ არსებობდა ამ ხელშეკრულების დადების მომენტისათვის და რომლის თავიდან აცილება მხარეს არ შეეძლო, კერძოდ, საომარი მდგომარეობა, საბრძოლო მოქმედება, წყალდიდობა, მიწისძვრა, ხანძარი, ავარია, გაფიცვა, ეპიდემია, სახაზინო სამსახურის მიერ შემსყიდველის მხრიდან თანხის გადახდის თაობაზე გაგზავნილი მოთხოვნის დაკმაყოფილების შეჩერება ან უარყოფა, საბიუჯეტო ასიგნების შემცირება და სხვა მსგავსი გარემოებები.

12.3. თუ ფორს-მაჟორის გამო შეუძლებელია ვალდებულების შესრულება, მიმწოდებელი ვალდებულია დაუყოვნებლივ, მაგრამ არაუგვიანეს 3 (სამი) სამუშაო დღისა ფორს-მაჟორის დადგომიდან, აცნობოს შემსყიდველს ნაკისრი ვალდებულების შეუსრულებლობის შესახებ, სათანადო მიზეზების მითითებით. მოცემულ ვადაში შეუტყობინებლობის შემთხვევაში მიმწოდებელი კარგავს უფლებას დაეყრდნოს ფორს-მაჟორული გარემოების არსებობას, როგორც პასუხისმგებლობისაგან გათავისუფლების საფუძველს. ფორს-მაჟორის ფაქტი და მისი მიზეზ-შედეგობრივი კავშირი ვალდებულების შეუსრულებლობასთან უნდა დადასტურდეს დოკუმენტალურად.

12.4. ფორს-მაჟორის მიუხედავად მხარე, რომლისთვისაც ნაკისრი ვალდებულებების შესრულება შეუძლებელი ხდება, კეთილსინდისიერებისა და გონიერების ფარგლებში, მიმართავს ვალდებულების შესრულების ყველა შესაძლო ალტერნატიულ ხერხს.

12.5. თუ ფორს-მაჟორული მდგომარეობა 30 დღეზე მეტ ხანს გრძელდება, მხარეებს უფლება აქვთ ცალმხრივად შეწყვიტონ ხელშეკრულება.

## **მუხლი 13. დასკვნითი დებულებები**

13.1. წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

13.2. ხელშეკრულებაში დამატებების ან/და ცვლილებების შეტანა შესაძლებელია მხოლოდ მხარეთა შორის წერილობითი ფორმით დადებული შეთანხმების საფუძველზე.

13.3. შეთანხმება ხელშეკრულებაში ცვლილებების ან/და დამატებების შეტანის თაობაზე უნდა დაერთოს ხელშეკრულებას და იგი წარმოადგეს ხელშეკრულების განუყოფელ ნაწილს.

13.4. ორივე მხარე უფლებამოსილია მომალოს ეს ხელშეკრულება ცალმხრივად, თუ მეორე მხარე ვერ უზრუნველყოფს თავის ვალდებულებების ჯეროვან შესრულებას ან მოქმედი კანონმდებლობით გათვალისწინებულ სხვა შემთხვევაში.

13.5. თუ ამ ხელშეკრულებით სხვა რამ არ არის გათვალისწინებული, მხარეთა შორის ამ ხელშეკრულების ფარგლებში ნებისმიერი ოფიციალური ურთიერთობა წარმოებს წერილობითი ფორმით და იგზავნება საფოსტო გზავნილის ან/და ელექტრონული ფოსტის საშუალებით ან/და მიეწოდება უშუალო ადგილსამყოფლის მიხედვით. ელექტრონულ ფოსტაზე გაგზავნილი შეტყობინება შედის ძალაში ადრესატის მიერ მისი მიღების დღეს ან გაგზავნილ შეტყობინებაში დაფიქსირებულ კონკრეტულ დღეს, იმის მიხედვით, თუ ამ თარიღებიდან რომელი უფრო ადრე დადგება.

13.6. შემსყიდველის მიერ შეტყობინება მიწოდებულად ითვლება იმ შემთხვევაშიც, თუ მან შეტყობინება გაგზავნა მიმწოდებლის ყოფილ მისამართზე, რომელიც მიმწოდებელმა შეცვალა, მაგრამ ამის თაობაზე არ აცნობა შემსყიდველს. ამ შემთხვევაში შეტყობინება მიწოდებულად ითვლება გაგზავნის მეორე სამუშაო დღეს.

13.7. ყველა ის საკითხი, რომელიც არ არის მოწესრიგებული წინამდებარე ხელშეკრულებით და ეხება შემსყიდველსა და მიმწოდებელს შორის არსებულ ურთიერთობას, წესრიგდება საქართველოს კანონმდებლობით დადგენილი წესით.

13.8. მიწოდების ვადის 15 (თხუთმეტი) დღეზე მეტი დროით დარღვევის შემთხვევაში შემსყიდველი უფლებამოსილია ცალმხრივად შეწყვიტოს ხელშეკრულება და მოსთხოვოს მიმწოდებელს შემსყიდველისათვის მიყენებული ზიანის ანაზღაურება.

## **მუხლი 14. სხვა პირობები**

14.1. ხელშეკრულება ძალაში შედის მხარეთა მიერ ხელმოწერის დღიდან და მოქმედებს 2023 წლის 31 დეკემბრის ჩათვლით.

14.2. ხელშეკრულება ხელმოწერილია მხარეთა უფლებამოსილი პირების მიერ, „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის მე-3 მუხლის მე-3 და მე-4 პუნქტების შესაბამისად.

ჩვენ ხელშეკრულებაზე ხელისმომწერნი და ვიზირების განმახორციელებელი პირები ვადასტურებთ, რომ „სახელმწიფო შესყიდვების შესახებ“ საქართველოს კანონის მე-8 მუხლის შესაბამისად მიმწოდებელთან ინტერესთა კონფლიქტში არ ვიმყოფებით.

**მხარეთა ხელმოწერები:**

**შპს "ინსტა"**

**დირექტორი: გიორგი ბახსოლიანი**

ს.ს.ი.პ. სახელმწიფო სამხედრო სამეცნიერო-  
ტექნიკური ცენტრი „დელტა“ / მმართველობა  
გენერალური დირექტორი  
იოსებ ლოლაძე

A handwritten signature in blue ink, consisting of a large, stylized initial 'L' followed by a cursive name.





MOD 5 23 00376271

04.04.2023

ტიპი: ხელშეკრულება

შიდა №: 376271

თარიღი №: 04.04.2023

გვერდები:

დანართი:

ინიციატორი: გიორგი ჭიკაძე (მთავარი სპეციალისტი)

ავტორები: იოსებ ლოლაძე (გენერალური დირექტორი) ს.ს.ი.პ. სახელმწიფო სამხედრო სამეცნიერო-ტექნიკური ცენტრი „დელტა“ / მმართველობა

თემა: 23-117 ხელშეკრულება მზის პანელი

ფაილები: 142\_ბზ\_კვლევა.pdf

ვიზირებები: შავლაყაძე შოთა (გენერალური დირექტორის პირველი მოადგილე) ს.ს.ი.პ. სახელმწიფო სამხედრო სამეცნიერო-ტექნიკური ცენტრი „დელტა“ / მმართველობა ბატიაშვილი ლევან (აღმრიცხველი) საჯარო სამართლის იურიდიული პირები / ს.ს.ი.პ. სახელმწიფო სამხედრო სამეცნიერო-ტექნიკური ცენტრი „დელტა“ / ლოჯისტიკის დეპარტამენტი / საავტომობილო და საინჟინრო ტრანსპორტის სამმართველო / უზრუნველყოფის ჯგუფი

ლოლაძე დავით (დეპარტამენტის უფროსის მოვალეობის შემსრულებელი) ს.ს.ი.პ. სახელმწიფო სამხედრო სამეცნიერო-ტექნიკური ცენტრი „დელტა“ / სახელმწიფო შესყიდვების დეპარტამენტი

ჯაყელი ირმა (სამმართველოს უფროსი) ს.ს.ი.პ. სახელმწიფო სამხედრო სამეცნიერო-ტექნიკური ცენტრი „დელტა“ / ფინანსების და დაგეგმარების დეპარტამენტი / ფინანსური ანალიზის და ბიუჯეტირების სამმართველო

ქიზიყურაშვილი ნიკოლოზ (გენერალური დირექტორის მოადგილე) ს.ს.ი.პ. სახელმწიფო სამხედრო სამეცნიერო-ტექნიკური ცენტრი „დელტა“ / მმართველობა ფორჩხიძე გიორგი (მთავარი სპეციალისტი) საჯარო სამართლის იურიდიული პირები / ს.ს.ი.პ. სახელმწიფო სამხედრო სამეცნიერო-ტექნიკური ცენტრი „დელტა“ / სახელმწიფო შესყიდვების დეპარტამენტი / პროექტული და არაელექტრონული შესყიდვების სამმართველო

ჯახუტაშვილი მიხეილ (დეპარტამენტის უფროსი) ს.ს.ი.პ. სახელმწიფო სამხედრო სამეცნიერო-ტექნიკური ცენტრი „დელტა“ / ლოჯისტიკის დეპარტამენტი

შალამბერიძე ირმა (დეპარტამენტის უფროსი) ს.ს.ი.პ. სახელმწიფო სამხედრო სამეცნიერო-ტექნიკური ცენტრი „დელტა“ / სამართლებრივი უზრუნველყოფის დეპარტამენტი

რეზოლუციები:

ადრესატები: ს.ს.ი.პ. სახელმწიფო სამხედრო სამეცნიერო-ტექნიკური ცენტრი „დელტა“